

籌辦夷務始末

籌辦夷務始末卷之七十五

道光二十六年丙午正月己卯協辦大學士兩廣總督耆英奏。臣前與合眾國夷酋噶哩訂於十二月初十日在虎門互換約冊。嗣據該酋文稱。伊已來省。在城外十三行居住。守候換約。無須前往虎門等情。臣以該酋既來省守候。自應早與互換。以昭信守。隨經會同撫臣黃恩彤帶同署督糧道趙長齡。候選道潘仕成等。於十二月初三日在城外公所接見該酋。將約冊互換。並備設筵席。優加款待。據稱伊國極知感激。

天恩永當恪守條約。斷無異議等語。情詞甚為恭順。

硃批知道了。

庚辰。

諭內閣著派賽尚阿周祖培馳驛前往江南將江防善後一切事宜確實查勘具奏隨帶司員著一併馳驛。

辛巳協辦大學士兩廣總督耆英廣東巡撫黃恩彤奏竊臣等接奉

廷寄所有佛夷籲請出示曉諭及康熙年間舊建天主堂房屋查明酌辦各事宜均已仰荷

殊恩俯允所請該夷使少有知覺應亦感激無既而臣等熟察夷情尚有窒礙難通之故不得不再為詳細上陳者緣島夷

僻處窮荒。至愚極陋。於

天朝制度。茫無見聞。而又賦性多疑。強作解事。難以情喻理曉。此在各夷類然。而喇嘛呢為尤甚。即如天主教為善。免罪一事。前既奉

旨准行。復經臣通咨各省。一體照辦。中國政令。較若畫一。斷無再行查拏之理。亦無不足取信之處。而該夷使總以江西江南等省拏辦有案。遂致疑團固結於中。牢不可破。因而有明降

諭旨之請。臣等先經再三峻拒。因其固執不從。始允行文地方官。為之出示。該夷使聲稱各官情形不同。議論不一。必致陽

奉陰違。難以為據。繼復許以由臣等擬定示稿。通行各省。張桂曉諭該夷使。復稱前曾欽奉。

大皇帝依議。

恩旨。各省尚未免拏辦。若僅由臣等出示。仍屬有名無實。辯詰多端。異常狡執。臣等以該夷使雖屬冒昧煩瀆。而前後所請止此一事。若拒之太甚。轉慮急則變生。是以暫事羈縻。從權代為奏請。現蒙

訓示。飭令臣等酌定告示。通行五口地方。為之曉諭。似猶未足以折該夷使之心。而使之帖服也。竊維該夷使之所以堅求諭旨者。非徒見好於內地習教之人。實以取重於西洋通商各國。

其所以堅求於內地張挂曉示者以為必如此方足證諭旨之萬分的確而其尤為注意則在齎捧

諭旨回國。取信於其主。以為輝成此事之徵驗。緣該國與中國遠隔重洋數萬里。聲教難通。傳聞多誤。其所仰慕者

大皇帝。其所崇信者

諭旨。故其使臣西渡。必奉有

恩綸。乃不虛此往返。溯查乾隆五十八年。暎夷貢使嗎呷呢。請將奉到

諭旨。恭錄發給。以便回國時給國王閱看。經前任督臣長麟奏奉恩准。欽遵有案。該夷使喇呢現已駛往該夷屬國。瀕行時備文

達知臣等仍留夷目咖嚒喇在澳恭候

諭旨。儻蒙

大皇帝俯允所請。即交咖嚒喇齎捧

諭旨。與兵頭嚒哂呀及兵船三隻。一併回國。伊亦不復東來。儻未荷

俞允。伊仍回粵。再行面議等語。其中希冀之私。固執之見。俱已情見乎詞。臣等伏思夷使喇嚒呢渡海遠來。所望本齋其通商。既有名無實。此外又別無駕馭之策。惟藉天主教為善免罪一節。籠絡撫綏。戢其桀驁之氣。即以杜其無厭之求。儻非實有以釋其疑而堅其信。誠恐該夷使復行來澳。漸

啟鑒端。且佛夷素與暎夷不睦。我若善撫佛夷。暎夷未嘗不稍存畏忌。儻佛夷心懷缺望。難保不暗結暎夷。別生枝節。辦理更為棘手。臣等反覆籌思。該夷使所請習天主教。為善免罪之處。前已奉

旨允准。若謄黃宣布。誠屬萬不可行。儻由地方官將更改條例。新奉

諭旨。恭錄曉諭通行。係外省恆有之事。似於政體無傷。至康熙年間。舊建天主堂房屋。歷年久遠。豈能至今尚存。但須將改為廟宇民居。概予開除。則亦辦而不辦。其地方官於奉行新例後。並不查照辦理。本有應得處分。並非法外加嚴。且天主



教自前明傳入中國。康熙以前。本不禁止。雍正以後。始禁傳習。嘉慶年間。定有治罪免罪專條。統計禁之日少。不禁之日多。禁之未能即絕根株。不禁亦未嘗因而滋事。且現將藉教為惡。遠鄉勾結。別教影射。作奸犯科。各條款一一申明。則定例固未嘗廢。事貴權其輕重緩急。為今之計。與其留此不定之局。俾該夷使折回。後或有他求。似不若稍從權宜。可期迅速。嚴事合無再行仰懇。

天恩寄

諭臣等。所有前奏學習天主教為善之人。概免治罪。其設立供奉天主處所。會同禮拜。敬供十字架圖像。念誦本教之書。講

說勸善道理均無庸查禁之處均已依議行矣。此次所請康熙年間所建天主堂除改為廟宇民居外如有原舊房屋尚存者給還該處奉教之人其地方官將習教為善之人。濫行查拏予以應得處分二條亦如所請行。如有藉教為惡及招集遠鄉之人勾結煽誘或別教匪徒藉端影射一切作奸犯科應得罪名俱照定例辦理仍照現定章程外國人概不准赴內地傳教以示區別等因如蒙

俞允

命下之日由臣等恭錄行知通商五口及附近五口各省督撫轉飭地方官照錄出示每處不過一張不致家喻戶曉張挂

不過數日。亦非經久常存。其距五口較遠之直隸山東江南等省。均勿庸錄示。以歸簡易。一面由臣等敬謹照繕。交夷目咖嚒喇齋送喇嚒呢祇領。以順夷情。庶佛夷並知感戴。而該夷使等可次第安靜回國矣。

諭軍機大臣等。前據耆英等奏。學習天主教為善之人。請免治罪。其設立供奉處所。會同禮拜。供十字架圖像。誦經講說。毋庸查禁。均已依議行矣。天主教既係勸人為善。與別項邪教迥不相同。業已准免查禁。此次所請。亦應一體准行。所有康熙年間各省舊建之天主堂。除改為廟宇民居者。毋庸查辦外。其原舊房屋尚存者。如勘明確實。准其給還該處奉教之人。至各省地方

官接奉諭旨。後如將實在習學天主教。而並不為匪者。濫行查拏。即予以應得處分。其有藉教為惡。及招集遠鄉之人。勾結煽惑。或別教匪徒。假托天主教之名。藉端滋事。一切作奸犯科。應得罪名。俱照定例辦理。仍照現定章程。外國人概不准赴內地傳教。以示區別。

耆英又奏。外夷性情。譎詐變幻多端。不惟暎夷鬼蜮譎張。時虞反覆。即暎夷渡海遠來。既勞且費。其中亦必有詭謀。所稱扶助。

天朝。共擊暎夷者。乃係假以為名。冀遂其請求之計。斷不可信。為足恃。以致墮其術中。惟該夷與暎夷挾有夙嫌。國勢亦

與之相埒。故倭夷深慮中國暗借其力。還相牽制。時加猜防。臣於二十四年冬間。接見喇嗎呢。即據告稱。探聞倭夷有緩交舟山之言。惟當固守成約。不可令其有所藉口。迨二十五年八月。接據噶呢時來文。忽有退還舟山後。不可另給他人之說。臣即料其為倭夷而發。且慮倭夷實有覬覦舟山情事。被倭夷識破。因而豫杜其謀。當與撫臣黃恩彤會商。令委員趙長齡。密向倭夷加嚶喇。設法探詢。該夷語涉支吾。端倪頗露。臣思舟山雖定海一隅之地。惟倭夷既肯退還。倭夷何得輒圖占據。若不豫行杜絕。必致續有請求。許之則不成事體。拒之則恐啟釁端。所關非細。當將

喇嘛呢招至虎門接以恩禮互換條約外示以信義之重  
暗折其覬覦之心該夷使雖不滿所欲意甚怏怏而舟山  
一節竟無從啟齒其所以於天主教弛禁之事再三瀆求  
者實因他無所得欲借此以為光榮而臣所以屢瀆

聖聰未便概行拒絕者亦因該夷使實有非分之想不若就此一  
節以羈縻之尚不至大有妨礙每與撫臣黃恩彤及委員  
趙長齡等將啖夷所以緩交舟山及佛夷所以垂涎舟山  
之故反覆熟思其中有可解者有不可解者有及料者有  
不及料者啖夷以貿易為務於中國土地人民斷難據為  
己有故就撫以後即將鎮江上海寶山甯波鎮海等處一

併退還。其留兵暫守之招寶山鼓浪嶼二處。亦先後退交似舟山一島。非其所貪。不過暫為要挾。冀遂其求進粵城之計。此可解者也。佛夷貨船來粵。歲不過一二隻。若以兵船度越數萬里重洋。圖據舟山。其勢既孤。其費尤鉅。將欲與中國為難。則毫無罅隙。斷不致即啟兵端。將欲與暎夷為難。則暎之喇嘛都城。與佛之吧嚒嘶都城。僅隔一海面。相距不過二百餘里。何難興兵修怨。而必遠涉中國。假巢穴於彈丸黑子之地。以與爭鋒。殊為失算。恐黠夷計不出此。此不可解者也。暎夷有香港以為修船貯貨之所。有五港口以為通商之處。所獲既多。其志已滿。現在華商南趨。

廣州者十之七。北趨上海者十之三。或順路而至廈門。未必肯紆道而赴甯波。以致商稅甚屬寥寥。該夷寓兵於商。甯波之商無所利。即舟山之兵失其養。虛糜坐耗。勢難久留。此及料者也。佛夷雄長西洋。素稱強悍。其來中國。既無貿易之可貪。所定通商條約。本屬有名無實。徒以天主教弛禁一節。虛與羈縻。尚未能滿其所欲。彼既有垂涎舟山之意。雖此時未便啟齒。或數年或數十年後。藉端請求。均未可定。此不及料者也。竊思英夷通商善後事宜。數年以來。規模略定。惟因求進粵城。遂致舟山屆期交還。忽生枝節。若此時索之愈急。則挾之愈堅。實有難以剋期退還之



勢儻准其暫緩一半年。再行交出。又慮彼藉口遷延。且拂  
夷之有無希冀。則亦非一半年內所能遽定。惟有固守成  
約。責以大信。令其退還舟山。而進城之准行與否。則決之  
於民情。近日該夷酋屢有來文。雖請求不已。因見眾心不  
協。亦不敢擅進城門一步。其於舟山退還之處。自知理虧。  
總以暫緩為詞。雖已逾限。尚未敢背約。須俟進城之說中  
止。則舟山之如何退還。方可定議。臣智慮短淺。實亦別無  
鈐制之策。惟有隨時體察相機妥辦。恪遵

訓諭。不敢稍存成見。致礙大局。

諭軍機大臣等。著英奏密察夷情。通盤籌畫。一摺。覽奏俱悉。喚夷

以求進粵城。與交還舟山二事。牽混為詞。緩之既慮其藉口。遷延急之亦慮其別生枝節。現該夷於交地一層。未敢明言背約。其進城一節。亦以眾心不協。不敢擅進城門。是撫馭之方。正可迎機而導。該督惟當確權輕重。隨時斟酌妥辦。至佛夷於天主教弛禁之事。再三漬求。自不得不俯順其情。以免更端之請。現已照該督等所擬大意。另行寄諭。該督等接奉後。著即照繕交該夷使齋回。並通行五口一體遵照。其附近五口省分亦准酌量咨行。該督仍當剴切諭知。俾該夷益知感戢。至暎佛二國。雖稱挾有夙嫌。其實在情形。終難深曉。且夷情狡詐。變幻不常。究竟該二國是否另有諸謀。及佛夷果否實有覬覦舟山情事。該

督仍當不動聲色密加體察於其可解可料者相機妥辦於其不可解不及料者設法籌防務在豫折奸萌永遵成約方為不負委任

二月丁亥協辦大學士兩廣總督耆英廣東巡撫黃恩形奏竊臣等於道光二十五年十二月十八日起更時突聞廣州府衙門聚眾多人開堂塞署正在飭查間即據該管地方官稟報前情當經率同司道督飭文武多派兵役前往彈壓查拏隨見內署火起官兵趕往撲救匪徒乘間逃逸當被燒燬住房數間登時救熄未至延燒查驗庫貯銀兩並無短少科房文卷亦未遺失確查此案起事根由緣

該府劉潯於是日下午因公出署路經雙門底地方有民人王亞平挑醬一擔迎面走來跟役向其攔阻不聽致相鬧吵該府面加訶斥仍復出言頂撞當將其按倒地上酌加板責押帶回署時街鄰人等因王亞平係傭作為生恐其到官受累即有十餘人跟隨進署央求釋放該處距府署甚近又係鬧市通衢多有往來之人隨同觀看頗形擁擠經該府督同番禺縣瑞寶當堂曉諭並將王亞平釋回街鄰人等均即退出署外突有不識姓名匪徒多人喊稱該府私帶夷人進署欲行按翻勢甚洶湧該府縣等明白開導匪徒恃眾不服直闖署內府役力不能阻致有打毀

器物焚燒房屋之事。旋據該營縣拏獲匪徒仇亞發等數名。稟請發委審辦前來。臣等查知府有鈐求地方之責。如遇不順之民。當街板責。事所恆有。何致激成眾怒。即街鄰人等。因恐王亞平到官受累。隨往求釋。亦屬情理之常。且既經退出署外。其為並非聚眾滋事可知。乃突有匪徒多人進署肆擾。殊屬不法。現已緝獲仇亞發等數名。提訊尚無確供。亟應設法查拏。首要各犯。研審明確。盡法懲辦。除飭令地方文武密訪嚴拏。務獲解究外。相應請

旨將廣州府知府劉潯暫行撤任。臣等一面將該府印務檄委候補知府劉開域署理。以專責成。

耆英黃恩彤又奏粵東民風犷悍。往往糾眾抗官。自英夷滋事以後。民氣益驕。撤退壯勇。流為匪類。動輒藉報復。英夷為名。結黨橫行。官不能制。詞經臣等將遊棍錢江范守誠。分案懲辦。此風稍為戢。而積習已深。勢難驟改。該府劉潯到任以來。時時以整頓地方為念。遇有頑梗之民。隨案嚴懲。力圖振作。匪徒畏而生恨。在所不免。若僅因責打挑夫一事。斷不致激成眾怒。一至於此。臣等復與司道等詳加體察。緣英夷進城。最為粵民所不願。是以數年以來。該夷屢以為請。臣等均力為阻止。不啻至再至三。近日夷酋噶庇時。欲援福州等處為例。又以舟山為挾制之計。請

求益堅。臣等將民情不協之故。備文反覆開導。舌敝唇焦。無如夷性固執。轉圜匪易。業經歷次陳奏在案。嗣該酋總以臣等未經出示曉諭。藉為口實。似疑粵民不願進城之說。乃臣等託為是言。並非民間果有此意。因而曉潰不休。竊思事當權其輕重。以舟山之退還。與廣州比較。則舟山為輕。而廣州為重。以舟山之退還。與廣州之進城比較。則舟山退還為重。而廣州進城為輕。如果民夷相安。尚可通融辦理。當與司道等熟商。姑出示曉諭。以杜夷人之口。而釋其疑。仍一面照會該酋。約束夷人。勿許擅行進城。俟出示後。察看民情。再行酌辦。詎甫經出示。即有人標貼紅白。

字帖語多忿激。羣情洶洶。噴有煩言。擬即再行明白示諭。並將不便進城之處。切實照會夷酋。絕其希冀。正在料理間。而該府劉潯責打挑夫之事。適當其時。以致匪徒乘機造作飛語。假以該府私帶夷人入署。欲行按翻為由。鼓眾逞兇。進衙滋擾。或打毀器物以洩忿。或攫取資財以肥己。鬼蜮伎倆。略可概見。細察本案先後情由。該府並無激變之咎。匪徒實有焚擾之罪。自當責成該府督縣嚴拏匪徒懲治。以儆兇頑。第粵民性情浮動。匪黨眾多。幾成積重之勢。若仍令該府承辦此案。誠恐持之過急。將致官民為仇。或生他變。且進城一節。民與夷各相持不下。雖不致即開。



釁端而彼此大有芥蒂。若辦理此案。緩急稍失其宜。萬一  
省垣小有騷動。恐他族從而生心。所關尤鉅。臣等與司道  
等再四熟商。惟有將該府暫行撤任。以安眾心。剴切示諭。  
以釋眾疑。杜絕夷人進城之請。以順輿情。寬脅從。免株連。  
以保良善。一面督飭文武。不動聲色。密訪嚴拏。務獲首要。  
各犯。置之重典。以儆效尤。現已次第妥為布置。連日匪徒  
解散。市井安堵。

諭內閣。著英等奏。匪徒藉端滋擾。請將知府暫行撤任一摺。廣東  
廣州府知府劉壽。著暫行撤任。交該督撫確切查明。嚴拏匪徒。  
按律懲辦。

已亥。掌湖廣道監察御史曹履泰奏。竊維民和而政成。猛  
濟寬。較勝於寬濟猛。而眾怒則難犯。民從欲。究不若欲從  
民。未有上下不和。而能相與以有成者也。粵東官民上下  
其相為冰炭也。已非一日。臣二十三年春。曾赴粵東。徧覽  
形勢。博採輿論。而知粵民與暎夷為仇讐。即與地方官為  
仇讐。推原其故。暎夷二十一年四月。由泥城而上。四方礮  
臺。以挾取六百萬圓。凡所經由之地。曾無一人施放槍礮  
者。而民已不服矣。迨擾害三元村。民蜂起而殲除之。使地  
方官稍緩須臾。不為救援。則六百萬圓可以不給。而在粵  
之暎夷。幾無孑遺。此廣州府所以罷考。知府余葆純所以

引疾去任。而可為前車之鑑者。恐此日之地方官。未必盡知之也。然非親至其地。徧加訪察。亦難深悉其顛末也。夫  
暎夷所貪。為大馬頭者。粵東也。而所最難懾服者。粵之民  
也。近聞暎夷進粵東城。欲立夷館。彼豈不知粵民之不可  
犯。蓋因所允之二十一百萬圓已給。而知我之必問定海。  
則彼之墳墓室廬。豈能甘心捨去。而定海不歸。則曲又在  
彼。其意蓋假此以探我也。二十二年冬。粵民與暎夷構釁。  
已焚城外之公司館矣。後欲起兵報復。終有所畏而不敢。  
二十三年春。暎夷已請離城三十里之臍洲地方矣。復因  
紳民紛紛稟訴。遂有所憚而不果行。則今日之欲開館於

城內者。究何心也。然或因此日匪徒滋擾。廣州府知府。因而撤任。啖夷由是而灰心。此則其好消息也。否則堅持前議。已藏叵測。使我若鵠蚌之相持。而彼坐享漁人之利。此又其大可慮者也。然論者謂啖夷二十五年。已入福州城矣。事同一例。何粵東而獨不然。不知督臣劉韻珂。因勸捐與紳民不和。啖夷藉之以入城。而民並樂為之用。粵東自遭三元村事後。民懷隱恨。誓不准其入城。且深知啖夷之不足畏。此事同而情異也。粵東前所團練鄉勇。名曰昇平社學。而社學之民。約有數萬。一夫嘯聚。頃刻即成事端。故以之恐嚇啖夷者。在此而不受地方官約束者。亦在此。臣聞

此日匪徒滋事。實因暎夷欲立馬頭。地方官出示曉諭。以至人心不從。屢示屢毀。且傳諭紳耆。而紳耆不應。遂有釀成聚眾焚署之事。為今之計。查拏匪徒。而繩之以法。此固粵民之所俯首無詞者。若仍迫脅以暎夷開館之事。誠恐變生肘腋。而禍有不可勝言者矣。夫暎夷者。我心腹之疾也。非有以大加懲創。而使之帖然就服。不可得也。所可圖者。暎夷狡結而驕。貪利無厭。久為諸夷所切齒。然以俟諸異日可耳。要之粵東之馬頭。惟假權於粵東之民。斷不可強民之所不欲。以從夷人之欲。粵東安則海疆均可晏然矣。

諭軍機大臣等。有人奏廣東匪徒滋事。因喫夷欲進省城。設立馬頭。人心不服。地方官出示曉諭。致有聚眾滋鬧之事。該省設立馬頭。自應順民之情。不宜強民從夷等語。所奏各項情形。是否屬實。著該督撫悉心體察。一面慎重妥辦。一面據實奏聞。原摺鈔給閱看。

三月壬申。協辦大學士兩廣總督耆英。廣東巡撫黃恩彤奏。竊臣耆英前因喫夷藉舟山以求進粵城。密察情形。通盤籌畫。奏奉

上諭。該督惟當確權輕重。隨時斟酌妥辦等因。欽此。查該夷久據舟山。本無所利。不過藉為要挾。冀遂其求進粵城之計。而

粵省民情浮動。若一經夷人進城。必致滋生事端。臣等當與委員趙長齡等。再四熟商。若向該夷酋急索舟山。則彼自為得計。必致進城之請。堅不可卻。而交還舟山之期。求速反緩。必須將其進城之說。先為杜絕。該夷酋無所希冀。舟山方可如約交還。計兩月以來。噶呢時屢有來文。堅持前說。臣等疊次備文答覆。動之以利害。折之以信義。剛柔互施。持以鎮靜。任彼狡展萬端。虛聲恫喝。亦不為所動。嗣該酋無可置辯。詞氣漸和。茲接來文。並擬出事宜四條。約臣等英前往虎門會晤。俟商定奏明後。一月之內。即將舟山交還等語。查開各條。一係進粵城一節。暫緩商辦。一係

喚人在城外行走。內民不可欺凌。一係交還舟山後。不可另給他國。一係交還舟山後。如有他國侵奪舟山。伊當幫同中國防禦。其地仍歸中國據守等語。雖詞句未甚明晰。而觀其大意。前二條係因進城之說難行。藉作轉關。後二條似仍因拂夷前有垂涎舟山之意。因而堅行要約。以阻其謀。尚在意料之中。雖夷情叵測。難保其中不另有詭計。但既有轉機。正可許以接見。面加體察。就各條分別准駁。遵奉。

訓諭。迎機而導。以冀就我範圍。而舟山可期收復。惟不可示以過急。俾該酋又復妄意居奇。別生枝節。隨經備文照覆。訂於



三月初五日以後。臣耆英帶同委員趙長齡等前往虎門。與該酋面議一切。

諭軍機大臣等。據耆英等奏夷情漸有轉機。舟山約期交還。現擬親至虎門接見。面議事宜等語。覽奏均悉。該夷遞還舟山。為求進粵城之計。經該督等再三開導。現已就我範圍。所請四條。該督等自能酌量情形。妥為定議。惟夷情叵測。難保不另有詭謀。該督此時自己前赴虎門。與夷酋接見。惟不可持之過急。轉令彼妄意居奇。或致別生枝節。是為至要。

耆英又奏。臣等具奏審察哱夷請弛教禁情形一摺。奉到上諭一道。並另奉

密諭著即照繕交該夷使齎回等因欽此當即恭錄出示通行五口並酌量咨行附近五口省分一體遵照另行繕錄一分於二月二十二日傳佛蘭西夷目咖略喇到省臣黃恩彤帶同委員趙長齡潘仕成等出城接見遵即剴切諭知並宣布

皇上懷柔厚德將繕就

上諭交該夷目敬謹齎回本國該夷目鼓舞懽忻極知感激聲稱大皇帝德彌覆載這人受惠無窮億萬斯年不敢爽約並稱伊國使臣喇嗎呢現在噶喇噶達國守候伊當敬齎

諭旨趕速開行駛赴該處隨同喇嗎呢回國等語臣等察看該夷

情形似已帖然不敢再生枝節。

殊批知道了。

乙亥協辦大學士兩廣總督耆英廣東巡撫黃恩彤奏竊  
臣耆英於三月初六日帶同委員趙長齡銅麟甯立悌瑞  
寶等由省起程初七日行抵虎門。喚首噠呢時帶領夷目  
郭嘑啦嘑咂等亦同日駛到初八日在水師提臣公署與  
之接見。臣當諭以進粵城之說萬不可行。該國既蒙

大皇帝厚恩。准予五口通商。惟當仰體

皇仁。安分貿易。切勿於條約之外別生枝節。該首唯唯聽受。頗為  
馴順。據稱進城之事。此時不必再提。詢以交還舟山日期。

據稱現在所擬數條。求為具奏。一俟

大皇帝批准。即將舟山退交。臣復以前定條約。交還舟山。以銀兩  
全付之日為斷。極為堅明。何必再議條約。該酋復稱。進粵  
城之說。此時雖不可行。但必須豫為言明。俟將來士民情  
形安靜。再准伊等進城。不可竟廢前議。且喚人在城外行  
走。粵民時常欺侮。亦須重申禁約。庶可彼此相安。至舟山  
交還中國。既不另給他國據守。若有他國欲行占奪。伊國  
即幫同守禦。與中國亦屬有益。務祈代為具奏。至舟山一  
島。伊國斷不久據。一奉

硃批。即行交還。決不稍有遲延。察其情詞。似非捏飾。臣當即督同

委員趙長齡就其所擬各條約加以覈正其詞不明晰者為之更易其語涉含糊希圖取巧者概予刪除其文理屬陋而義尚可解者則悉仍其舊不復多為增損免啟其疑該酋初尚爭執迨經明晰指示亦即一一聽從當即照依繕寫成冊於次日仍依歷次互換條約之式由臣鈐用關防該酋亦加用圖記彼此分執以昭信守並據片文聲稱伊即將各情傳諭駐舟山夷目知悉一面請臣咨行浙省地方官查照臣即於是日帶同委員等回省伏思該夷所約各條如進城之事暫緩商辦一節係因所請不遂難以收局聊以藉詞推宕作為轉關其覬覦之念實已中阻即

使將來再有潰求。而舟山業已交還。無可要挾。更不難拒其所請。况粵東士民。一聞夷人進城。無不攘臂相爭。即使數年或數十年後。亦難期其轉移。該夷等尤無從置喙。其喚人在城外定界內行走。華民不得欺凌一節。查前與噶鼎渣酌定善後條約。此款業已載入。該酋不過再為申明。以冀見好伊國商民。實屬無關輕重。至舟山不另給他國。及幫同守護二節。在該酋之意。固為豫防噶夷與中國合謀牽制起見。然臣等通盤籌畫。舟山雖定海一隅。既經收復。斷不容復任他國占據。而噶夷實未免垂涎。如噶夷未就範圍。則當藉噶夷以控制喚夷。令其不得不還。迨喚夷

既遵成約。還我土地。則又當藉暎夷以牽制諸夷。俾各有  
所顧忌。而不敢輕動。雖不必實資其力。而以夷馭夷。於中  
國實未嘗無益。至退還舟山日期。該酋既稱一俟奉到  
硃批。即刻退還。情詞肫摯。且已載入條約。不致復有變更。未便過  
事拘泥。致失機宜。商之撫臣黃恩彤。意見相同。合無仰懇  
天恩。俯如所請。

硃批。依議。由臣接奉後。恭錄行知。庶該酋釋然無疑。不敢再有藉  
口。舟山即可刻期退還。而撫夷全局。亦由此可期底定。  
耆英又奏。舟山一島。孤峙海中。實非可以戰守之地。是以  
前明棄而不有。惟係通洋要津。番舶便於駛集。在明倭奴

滋事。即據之以圖內擾。此次倭夷不靖。亦藉為搆兵發難之端。故雖一隅之地。於中國無關輕重。而外夷不免垂涎。此時固可如約收回。將來海洋萬一有事。舟山仍復可危。成以重兵。既不免徒滋勞費。置之膜外。又非所以保我土疆。且既與內地懸隔。又與海面毗連。夷船直抵城外。駁力可及。實難籌萬全之計。竊思倭夷所以留兵暫守舟山及鼓浪嶼者。實因鼓浪嶼與廈門福州相近。舟山與甯波上海相近。廈門等四口。均係新設馬頭。彼惟恐我外許其通商。而暗阻其貿易。故暫據附近海島。以作牽綴之勢。今見三年以來。五口貿易漸次流通。撫夷銀兩全行付給。彼既



不肯居背約之名。又惜留兵久駐之費。且曉然於中國以  
大字小。許其自新。不復與之計較。故次第交還二島。尚非  
所難。可慮者。佛夷妄生希冀。將來或不免非分之干耳。今  
暎夷既以交還舟山。後不可給與他國。如他國侵伐。幫同  
守禦。二條載入約冊。雖未必實有其事。亦不必果藉其力。  
而既有此約。佛夷必有所聞。彼於中國既無貿易之可貪。  
又無釁隙之可乘。無端越數萬里重洋。稱兵構怨。爭此彈  
丸黑子之地。既得罪於

天朝。復結恨於鄰暎。遠交近攻。一舉兩失。佛夷稍知利害。計不  
出此。似屬豫杜奸萌之一策。且臣等猶有慮者。點夷中藏

叵測。設或暗相勾結。虛構兵形。哖來而英佯拒之。哖去而英即據有之。始則以退還中國為守約。繼乃假取諸他國為藉口。又或利我與哖夷爭地。用兵虛作聲援。濫索兵費。與之則難給其求。拂之則併觸其怒。種種詭計。均不可不防。現已於約內載明其地仍歸中國據守。亦不給與兵費等語。將來萬一舟山有警。無論資其兵力與否。於中國總屬有益無損。

諭軍機大臣等。耆英等奏接晤夷酋。重定條約一摺。並片奏詳細籌度豫防說計等語。據奏。曉諭夷酋。該酋聽受。頗為馴擾。所有議定條約。著即照所議辦理。惟舟山雖定海一隅。一經交還。

即不容復任他國垂涎。此時以夷制夷。自可豫杜奸萌。而將來暗相勾結。亦不可不防其叵測。所有約內載明不給兵費等語。尤為周密。該督等總宜隨時籌度。不失機宜。不使於條約之外。別生枝節。是為至要。

四月己丑。駐藏大臣琦善。幫辦大臣瑞元。奏竊西藏年班堪布等由京回藏。等風聞有隨行可疑之人。當飭噶布倫汪曲結布查獲三人。呈送前來。等公同查驗。俱係蒙古喇嘛打扮。訊問皆能漢語。於清文蒙古文字。均能講誦。惟唐古特文字語言。尚未熟悉。一名約則噶畢。一名額窪哩斯塔。共祖弟兄。噶爾西人在所屬之奔底舍哩地方居

住素習天主教。約則噶畢於道光十六年。由福建起程。經江西湖北等省至京。其弟額窪哩斯塔。於道光二十一年。由廣東起程。經湖北至京。在

盛京地方。彼此會遇。遂一同行住。於熱河察哈爾歸化城。及蒙古地方。均經往來。至二十二年。在察哈爾地方。雇用現獲之甘肅碾伯縣番民薩木丹。盡已為之服役。上年行至西甯。聞唐古特番商。由京回藏。遂一同前來。即被拏獲。詰以該國距中華路途險遠。人地生疎。不在本處焚修。轉復前來何為。且藏經傳自西域。與該夷住趾匪遙。何必舍近而圖遠。僉供中國各處。均有學習彼教之人。冀圖益廣其

傳而訊以同教姓名。又稱未能記憶。檢其行李。清字蒙古字及印板夷文。天主教經典甚多。無甚關要。當即發還。惟內有夷字二張。訊係該犯等家信。並該國攜來傳教憑據。夷字五張。又夷字二十一本。其中是何語言。無人識認。質之服役之番民薩木丹盡巴。據供受雇傭工屬實。不能知其底裏。等查該犯等甫經至藏。即被盤獲。既無可質。訊之人。即所供經過各處。亦係一面之詞。而起出夷書夷字。又復無人辨識。若懸揣推求。轉不足以成信。讞。再口外道路寫遠。跬步皆山。一經奉提。解送耽延。西藏既無可質。訊之處。謹不揣冒昧。於訊供後。即分起委員。解交四川督臣。

暫為收管俟

命下之日由彼提解較為便捷合併陳明

諭軍機大臣等琦善奏盤獲佛喇西夷人並起出夷書夷文錄供呈覽一摺據稱該夷人等由福建廣東等處至京復由盛京會遇經歷口外同至西藏其圖傳教現將該夷人等於訊供後委員解川等語該夷人於漢語清文蒙古文字皆能通曉恐未必實係佛喇西人著寶興於解到川省時將其來歷及經過處所詳細研鞫務得確情即行具奏原摺並供單均著鈔給閱看木匣所貯夷信夷書等件著一併發給

琦善等又奏等近接廓爾喀國王來稟譯漢內稱披楞

現與森巴打仗。勝過森巴一次。該國與森巴係屬鄰封。若披楞將森巴之地占去。恐其覬覦藏地。該國力小。無能把守南方門戶等語。請示前來。並鈔呈披楞與森巴打仗情形清單一紙。又照鈔披楞貿易頭人由廣東寄彼信底一紙。等。溯查近年該國屢次來稟。或請賞銀兩。或請換地方。甚至於表文內任意書寫干求之事。不一而足。雖節經駁飭。而乞

息之念。總不能已。現復藉披楞與森巴交戰之事。稟請指示。並鈔錄在粵東貿易披楞頭人信底寄閱。隱約其詞。用意極為狡獪。總緣該國向有披楞之人。住居貿易。聲息相聞。遂致

啟其倉望。等再三籌商。批答未便著跡。是以於檄諭中  
反覆開導。使知保護南方門戶。即保護該國之疆宇。不致  
肆其虛疑。恫喝之詞。妄冀逞其所欲。除嚴飭文武及番弁  
認真訓練。小心防守外。謹將該國王呈遞原稟一件。並等  
等發給檄諭。照錄並呈。

御覽。再訊據現獲之喇嘛。西夷人約則噶畢等。僉供。噶喇。國夷  
名昂格勒。其披楞係唐古特統呼外國之番語。並非是國  
名。廓爾喀所指之披楞。自係噶喇。可知。又訪知在藏回  
商。森巴。乃西路。涅都。斯坦所屬地方。亦非國名。合併陳明。  
廓爾喀。額爾德尼王。熱尊達爾畢。噶爾瑪。薩野。具稟。



欽差駐藏二位大人臺前。敬稟者。竊前聞

大皇帝禁止鴉片煙來往買賣。刻下接得中國廣東擦巴瑪地方  
住的喚咭喇國人寫來信字一個云。說近來通賣鴉片煙。  
並未阻止等事。今又接得喚咭喇所屬噶哩噶達狄里瑪  
兩處住的前廓爾喀之人來信云。說喚咭喇同森巴打仗。  
前已打過數次。刻下喚咭喇勝過森巴一次。想前與森巴  
乃是鄰封。若喚咭喇再勝。將森巴之地占去。那時只剩小的  
極小之地。恐他還有貪想。

大皇帝中國地方哩。況從前五六年上。有喚咭喇在我國中住的  
頭人名哈雅薩納。向前回稱。我們幫你四千兵馬。你們去

取西藏地方。小的回向該頭人云。說我係投誠。

大皇帝之人。你這些話。我是不能聽你的。所有

大皇帝南方之門。小的仍前把守。這些情節。小的在表上寫的。有就是

一切好歹苦楚。在二位大人近前。也是稟明過的。刻下恐

喚咭喇勝過森巴。還要貪中國地方。若由廓爾喀經過。奈

小的缺乏軍器。所有南方之地。小的無能把守。想小的屢接二位

大人來諭。總令保守地方。諸事均要遵照向例。我感二位

大人恩典。只得遵例辦事。奈何小的國小無力。僕喚咭喇叫

小的借讓南方之路。那時小的怕難把守。今

大皇帝若能憐憫。小的乃係投誠之人。所有南方之門。我就能苦守。

若不憐憫之時。南方之門。實難把守了。從前凡遇大小事件。都是稟求二位大人指示。今聞此信。稟明二位大人商籌如何指示前來。當以得遵循辦理。把守南方之門矣。為此於道光二十五年十二月二十八日。自陽布具。

欽差駐藏大臣琦瑞檄諭廓爾喀額爾德尼王。熱尊達爾畢噶爾瑪薩野知悉。茲據爾王稟報。披楞與森巴近日接仗情形。並鈔單二紙前來。查森巴係溫都斯坦所屬地方。偶爾失機。亦未必即甘心任令占據。爾國與披楞正在和好。互相交易。豈能無端侵犯。爾王但當力敦和睦。自可立釋嫌疑。至唐古特與披楞素不相涉。何致追道相犯。況唐古特南方門

戶。即爾國之疆土也。披楞縱肆強梁。豈不慮唐古特截其  
前。爾王斷其後。自取危亡。至所稱借讓爾國地方行走。更  
難保不先擾爾國。又焉肯舍近求遠。爾王明白事理。必早  
料及。此等虛喝之言。彼能欺騙爾王乎。是爾王保護南方。  
即保護爾國之土地人民也。惟望爾王時加留意。永敦和  
睦。是為至囑。爾王前在各大臣任內稟訴之事。均經各前  
任。屢次明白曉諭。當已早悉。本大臣毋庸再述。特此諭知。  
順問爾王好。

硃批是。

戊戌。

欽差戶部尚書賽尚阿。刑部左侍郎周祖培奏。竊臣等前准軍機大臣字寄。二月二十五日奉

上諭。壁昌另片奏。遵查吳淞海口情形。擇要防守等語。著賽尚阿。周祖培。於查勘善後事宜時。將所奏各情。詳加體察。一併妥議具奏。欽此。臣等伏查吳淞口內。共設防二處。一野鷄墩。為赴蘇州必經之路。一閘行鎮。為赴松江必經之路。臣等本擬於松江閘伍後。即詣該二處查勘。惟現據上海道宮慕久所致江甯省城信函內。稱日前接見夷目巴富爾。曾經問及聞有欽差到江南。係為何事。當告以奉

旨聞三省營伍並看善後工程皆係遵照成例輪流辦理之事復問到蘇住幾日又告以隨到隨看兵看完即起程不能停住之語餘無他說惟該夷性情驕而多詐時欲以見中華大臣為誇耀之計此次

欽使臨蘇更須密為防範等語臣等聞看之下深切躊躇竊以夷性多疑而貪利已審爾聞有使臣外出即向該道探問必非無因查野鷄墩閔行鎮二處距通商之地匪遙為該夷曾經往來之所臣等到時必來求見求見之儀節體統原不妨落落大方示以包容之意所慮者彼既求見必有希冀儻竟作無厭之請臣等拒之不便許之不可易生事端

關係甚鉅。臣等行抵瓜洲。接晤江南提臣尤渤。細詢野鷄墩。閔行鎮二處地勢。據稱該處扼要設防。皆可資以練兵。萬一有警。總在臨時相機應變。臣等按圖考覈。委係實在情形。即親往履勘。亦不能妄議更改。今再四思維。不敢拘泥前奏。似竟以不到該二處為是。臣等接晤尤渤數次。見其老成持重。諳練兵事。其駐紮松江府城。貼近吳淞口黃浦江一帶。洵足資為藩籬。臣等當與之熟商機宜。密為防範。以期有備無患。

賽尚阿等又奏。臣等聞該夷於上年除夕。忽驚傳官兵欲行撲剿。遽將船隻駛至外洋。又凡官兵操演時。該夷必來

觀看。每遇換班官兵。彼必恣意翻檢。查無可疑形跡。然後放心。曾有新到防兵。在

丈廟住宿。該夷前往翻檢。即指廟中之鼓。以為官兵欲與打仗。該兵丁等告係廟中必用之物。彼始無可藉口。又該夷聞臣等出使之信。輒云俟

欽差到時。伊有許多話要說。臣等接見江省官員。所言大畧相同。伏思夷性貪而多詐。每見

欽差。必格外要求一事。聞從前撫臣孫善寶及尤渤到上海時。皆有求見之意。均經婉言回覆。故臣等熟思。惟有豫絕其求。見之路庶足以杜覬覦而省枝節。



諭軍機大臣等。本日據賽尚阿等奏稱。行抵瓜洲。接晤提督尤渤。詢知野鷄墩。閘行鎮。一處情形。該提督扼要設防。練兵應變。實屬老成持重。足為藩籬。該大臣等應行校閱之處。尚多。既以尤渤為結實可靠。即不必再往該二處。復行校閱矣。其平日應如何防範。練習兵事。仍責成尤渤認真辦理。是為至要。

賽尚阿等又奏。臣等奉

命前往江南查勘善後事宜。竊查江防各工。所有北岸順江洲等處。俱在揚州一帶。臣等於三月二十六日。閱過水操後。仍渡江至揚州。帶同軍機章京兵部主事梁瀚。戶部郎中常恩。刑部郎中易棠。司徒照。前往順江洲等處。徧履勘驗。查

得北岸之順江洲上。礮隄長七十六丈。排築礮墩二十六座。安放一千斤至一千五百斤礮二十五門。順江洲下。礮隄長一百四十八丈。排築礮墩五十二座。安設六千斤至一千五百斤礮五十門。其三江口之西成洲。礮隄長一百十八丈。排築礮墩四十二座。又固土洲。礮隄長一百二十二丈。排築礮墩四十一座。固土洲南添建礮隄長四十二丈。排築礮墩十四座。統共安設四千斤至七八百斤礮計七十二門。其安礮處所。地鋪石板。尚為堅固。隄墩用土凝築。四面俱已生草。隄外蘆葦叢茂。離江邊約十餘丈。後路修建官廳兵房數處。為弁兵棲止之所。俱已完好。所有護

守礮隄。及後路之弁兵。均有統領。有接應。布置尚屬得宜。其新造戰船。臣等開視水操時。親為點驗。查大船十二隻。每隻設礮十四尊。大杉板船八十五隻。每隻設礮十尊。小杉板船三十八隻。每隻設礮八尊。駕試演練。亦尚得法。以之巡洋緝捕。可期得力。至北岸順江等洲礮隄。臣等每至一處。令將大小礮一一演試。自東而西。礮聲一出。所有護守礮位之擡礮鳥槍等兵。從隄後突出槍礮。連環施放。接應之長矛藤牌等兵。亦從後路喊吶而至。呼應均為聯絡。步伐尚屬整齊。惟礮墩安礮之所。均面無遮護。敵礮到時。恐守礮之兵。無所藏身。臣等酌擬前面添土欄為兵丁。

添築之處。後面添土墩。為兵丁退藏之處。當向承辦之員。細為指畫。並令趕辦土袋。俟臣等親為堆築成式。令其逐處照式添設。其礮架機括輪轉不甚靈便。臣等俱因其已成之架。口講手畫。令該委員等。心領意會。以期修理合宜。便於轉動。臣等查後。即由瓜洲渡江。至南岸北固山象山等處。再為詳細查勘。

諭軍機大臣等。賽尚阿等奏查勘順江洲等礮隄礮位及新造戰船情形一摺。覽奏已悉。據稱此次查勘善後事宜。已將北岸之順江洲上下及三江口之固土西成等洲逐一履勘。查得各該處礮隄礮墩修築均尚完固。既有護守弁兵。布置亦屬得宜。每

至一處令將大小礮位一一演試均能聲勢聯絡步伐整齊惟各礮墩安礮之所均面無遮護恐守礮之兵無所藏身現在酌擬前面添土檔為兵丁添築之處後面添土墩為兵丁退藏之處已向承辦之員細為指畫令其如式添造並因礮架機括不甚靈便當就已成之架面加指示以期修理合式所見甚是此後查勘南岸北固山等處礮隄該尚書等並當悉心體察總期在在足資抵禦不至用時不能得力是為至要

五月丙辰

署福州

福州

知府

奏

奏

奏

奏

奏

奏

奏

均為夷人通商之地廈門一口自道光二十三年九月喚夷開市之後時逾兩載福州一口開市亦一載有餘經臣

等督飭地方文武撫馭彈壓華夷相安情形俱屬靜謐均經臣等節次奏報在案數月以來廈門夷情極為馴擾福州夷情亦皆安帖至本年三月初二三等日有英國小船駛進福口停泊南臺港內水手人等先後赴市購買魚肉因言語不通價未給足即將魚肉攜回各店鋪因其短價強買均抱不平有夷人阿金帶同籍隸廣東之跟役一人在街行走道路窄狹致阿金被鄉民林森森誤碰一下阿金即持拄手小木棍毆傷林森森額角林森森負痛逃避楊煥枝油蠟店內維時附近居民鋪戶及路過人等相繼踵至聚集街衢咸謂喚夷粵人欺人太甚均各懷忿適又

有夷商記連並夷人及廣東人先後走出。均經該民人等擲毆致傷。當經臣等飭委地方文武彈壓撫諭。旋各走散。初六日。又有民人扛擡酒甕。經過夷館門首。被管門之廣東人誤將酒甕碰破。致相爭論。該處鋪戶居民聞鬧。又復趕至。兼以行人絡繹。愈聚愈多。該處鋪面因恐匪徒搶竊財物。多有關閉。臣等接據稟報。復由省城添派員弁兵役。馳往彈壓。尚未趕到。詎有廣東數人在街走來。內有一人見人眾擁擠。開放手槍。致砂子飛傷民人兩人。廣東數人旋即逃避。眾人更加忿怒。喊稱廣東人均係夷人帶來。大家找尋夷人講理。遂一同擁至夷館。將館外柵欄擠毀。並

在街毆傷黑夷一人。該處匪徒溷跡其中。即假託公忿。來  
機將夷館內貨物搬搶。時弁兵等馳至。將搶奪各犯連所  
搶各贓。當時一併拏獲。並查拘關毆各犯。解交臬司。親督  
委員分別審訊。眾人走散。各鋪戶亦皆開張。臣等當以匪  
徒固宜嚴懲。而當眾忿未平之際。若不明白曉諭。竊恐鄉  
愚無知。轉謂地方文武偏護夷人。而不愛百姓。雖暫時能  
散。日久必難相安。遂刊發示諭。居民人等。蓋以爾等因夷  
人及廣東人多事。羣動公忿。原係良民。乃匪徒乘機搶奪  
夷館。實不與爾等同心。若不嚴拏究辦。是使匪徒得意。繼  
必搶奪爾等財物。現在嚴辦匪徒。正所以保護爾等。至夷



領事阿利國。現住城內。地方官自可將是非曲直。與之辯明。定可無事。爾等不必驚疑等情。剴切開導。眾民人均各悅服。臣等又以夷人狡詐百出。正可因此設法。駕馭。俾其知感。知懼。當派妥弁。授以機宜。前往烏石山阿利國住處。密察動靜。該弁見阿利國形色倉皇。極為畏懼。並向該弁乞請。轉求各大憲趕緊保護。該弁答以此番鬧事。本係伊等起釁。現在南臺百姓百數十萬。皆動公憤。雖經各大憲勸諭解散。並派兵在烏石山下。暗護伊等。嗣後伊等如再不約束。夷眾激成眾怒。即官為保護。亦屬無濟。阿利國感服無地。覆稱事後必當明定條規。嚴諭船館各色人等。

不許再惹事端各等語。十三日。阿利國帶同夏巴謁見臣。徐繼畲復諭以此後必須嚴行管束夷眾。中國官員亦禁止眾百姓不許欺凌遠人。兩不偏袒。方可永敦和好。阿利國心悅誠服。唯唯而去。現在南臺居民鋪戶。前嫌已釋。均照常安業。夷商記連等亦均開館貿易。受傷夷民均漸次平復。地方極為平靜。不致復行尋釁。臣等體察夷情。該夷知眾怒難犯。此後亦當斂跡。惟查南臺為商賈輻輳之區。五方雜處。煙戶煩多。內地民人口角爭執。亦事所恆有。況夷人本非我族類。雜處闢市之中。或因言語不通。或因買物爭競。一時之較長論短。更難保其必無。但使隨時處置。

得宜。既安民眾之心。復杜夷番之口。自不致另生枝節。釀出事端。足以仰慰宸廑。

宸廑。

諭軍機大臣等。敬敷等奏福州廈門兩口近日夷務情形一摺。據稱本年三月間。福州民人因買賣細故。致與夷人爭競。當經委員彈壓解散。並查拘關毆各犯。分別審辦。現在民夷安靜等語。辦理尚為妥協。福州等處民夷雜處。口角爭執之事。自所常有。全在地方官隨時隨事處置得宜。自不致釀成事端。該將軍等惟當督飭文武員弁。於平時認真稽查約束。遇有爭競之事。處置務求平允。既以安民眾之心。復不令夷人有所藉口。是為至

要。

戊午。協辦大學士兩廣總督耆英廣東巡撫黃恩彤奏。竊臣等承准軍機大臣字寄。道光二十六年二月十三日奉。上諭。有人奏廣東匪徒滋事。因哄夷欲進省城。設立馬頭。人心不服。地方官出示曉諭。致有聚眾滋鬧之事。著該督撫悉心體察。一面慎重妥辦。一面據實奏聞等因。欽此。竊思欲靖外侮。先防內變。未有不得民心而可以杜黠夷之窺伺者。上年因哄夷求進廣州省城。與粵民相持不決。而廣州府劉潯適有責打挑夫一事。以致匪徒藉端滋擾。當經臣等率同司道督飭文武。彈壓驅逐。並將該府暫行撤任。以安眾心。剴切

示諭以釋羣疑杜絕夷人進城之請以順輿情寬宥從免株連以保良善一面飭令地方官密訪嚴拏務獲首要各犯置之重典以儆效尤當將次第妥為布置及匪徒解散市井安堵情形據實滙陳仰蒙

聖鑒。數與鈔發原摺所稱斷不可強民之所不欲以從夷人之欲者大指俱相脗合。且屈民就夷萬萬無此辦法。正不止進城一事為然。現在本案匪徒業經陸續拏獲三十餘名。均已訊有大概供情。其夷人進城之說事已中止。交還舟山似亦不致爽約。已由臣等相機酌辦。各緣由另摺馳奏。至原摺所稱粵東官民上下相為冰炭已非一日。粵民與

夷為仇讎。即與地方官為仇讎。因而及於三元里之攻夷。余保純之告病。以為此日地方官未必盡知一節。查二十三年以前之事。臣等均未來粵。無從悉其原委。但聞三元里於二十一年四月。因遭夷兵蹂躪。附近鄉民起而環攻。維時當事諸臣正在議和。飭委前任廣州府余保純前往解釋。各鄉民亦即散去。迨該員告病。則在是年八月相距前事已數月之久。實因府試不洽士心。遂致臨期阻考。前督臣祁項因查明其曲在官。不准拏究。是以引疾求去。與三元里之事無涉。且阻考者更非三元里之民。原摺牽合為一。係屬風聞不確。至粵民雖多犷悍。而其間明理之紳

士安分之良農。不知凡幾。地方官撫之以恩。約之以法。一切催科聽斷。不難辨理。裕如何至上下相為冰炭。況暎夷雖則就撫。實為仇讎。此乃官民之不約而同心者。但官則馭之以術。民則直行其意。其間微有不同。若謂以仇夷之故而因。而仇官。則全出情理之外。粵民雖愚。不應有此。又所稱暎夷進粵城。欲立夷館。乃因心戀定海。難於失信。假此以探我。或因匪徒滋擾廣州府一事。從此灰心。是好消息。否則堅持前議。包藏叵測。使我若鵠蚌相持。而坐享漁人之利。大屬可慮一節。查暎夷求進粵城。不過遊覽都市。拜見官長。以為光榮。並無立夷館之說。且善後條約業經載

明夷人租地建屋。必須與業主公平講價。不得相強。是以粵東城外地方。除十三行舊有夷館外。夷商欲受一厘之地。幾不可得。其城內則更不問可知。該夷亦不至萌此妄念。似係傳聞之謠。該夷先曾請於黃埔附近。設立城市。以便購買食物。旋因眾論不協。其議遂寢。原摺所稱二十三年。該夷曾請離城三十里之簪洲地方。實屬並無其事。至夷情雖屬狡黠。究係販貨遠來。居肆求售。非全無身家者。可比。未免多所繫戀。而主客之形。眾寡之勢。又較然易明。故內民即有欺凌。亦不敢遽事報復。上年公司館被焚。但以洋商完結。此次進城之請。初甚堅執。因聞匪徒滋擾。府



署誠恐波及十三行。頗懷疑懼。事之中止。未嘗不由於此。故權其緩急輕重。不惟屈民就夷。萬萬不可。即拏辦此案。匪徒亦不宜持之太急。治之太嚴。雖不至肘腋變生。俾該夷得坐觀鵲蚌之鬪。而民心過於懾伏。則夷情益肆驕矜。進城之請。勢將不已。不可不熟為之計。又所稱粵東民情。與福州不同。自遭三元村事後。民懷隱恨。誓不准其入城。且深知夷不足畏。團練鄉勇。號曰昇平社學。民約數萬。一夫嘯聚。頃刻即成事端。以之恐嚇。夷者在此。不受地方官約束者。亦在此一節。查粵閩民情。大都相類。惟福州係初設馬頭。故於夷人入城。乍見而不以為怪。廣州通商數

百年並無夷人進城之事。而民之於夷。無論婦孺。皆呼為番鬼。不以齒於人類。故一旦驟聞其進城。則以為有荼舊制。羣起而拒之。惟大半城內之民居多。若三元里則地居城北。距城十餘里。夷人之進城與否。該鄉民並不過問。至粵民性情剽悍。難與爭鋒。亦難持久。必因三元里一戰。遽信為夷不足畏。民足禦夷。究亦未可深恃。其昇平等各社學。實與團練鄉勇判然兩事。團練出於召募。因有壯勇之名。而無賴游手。不免錯雜其間。故一旦撤退。往往流而為匪。若社學則各聚其鄉之父兄子弟。互相保衛。無事散處田間。有事聽官調遣。法有類乎土兵。意不外乎保甲。雖其

眾尚不足數萬。而均有公正紳士。為之鈴束。近年以來。不  
惟滋擾府署。與官為仇者。社學之人。不與其事。即焚燬公  
司館。與夷構釁者。亦並無社學之人。此則粵省官民所共  
聞共見。若如原摺所稱。一夫嘯聚。頃刻即成事端。則是恃  
眾藐官。寔不可制。內訌將作。其可慮更甚於夷。實未免言  
之太過。又所稱此日匪徒滋事。實因哄夷欲立馬頭。地方  
官出示曉諭。以致人心不從。屢示屢毀。且傳諭紳耆。紳耆  
不應。遂釀成聚眾焚署之事。若仍追背以哄夷開館。誠恐  
變生肘腋一節。查夷商運貨上岸之地。設立馬頭。其租屋  
羣居之所。設立夷館。該夷並無在城內設立夷館之說。更

無欲在城內設立馬頭之事。且城內不通河道。亦無地可設馬頭。其城外馬頭。則設於十三行河下。粵海驗貨抽稅。即在此處。相沿已數百年。並非今日方議。初設地方官。何從以哄夷欲立馬頭。無端出示。惟進城之說。臣等曾為示諭。彼時實因該夷援四口以爲例。又藉舟山爲要挾。拒之愈力。請之愈堅。當經商之司道。傳諭紳耆。姑爲出示。以順夷情。而釋其疑。必俟出示後。物議沸騰。方可以眾怒難犯。絕其所請。凡示諭之撕毀。長紅之標貼。皆臣等授意曉事紳士。密爲措置。而外人舉莫之知。本以杜夷人藉口之端。而不料有府署被擾之事。當以羣情洶洶。無非爲夷人進

城而起。若不將阻止。夷人進城處。明白宣示。不足以安定人心。故於是日。即以前情剴切布告。揭諸通衢。粵民刊刻傳觀。浮言頓息。幸不致激成事端。若謂以喚夷開館之事。迫脅粵民。臣等實不敢如此冒昧。又所稱喚夷為我心腹之疾。非大加懲創。不能使之帖然就服。該夷貪利無厭。久為諸夷切齒。可以俟諸異日一節。查喚夷雖帖耳就撫。而自恃其船堅礮烈。時形桀驁。一切駕馭之方。與防備之具。並行不悖。均不可一日不講。至欲借諸夷以懲創喚夷。則尚有應加詳慎者。無論夷情叵測。其離合難以遙揣。且自古中國之於外夷。必力能制之。而後可收之以為用。未有

力不能制而可借此夷以制彼夷者。即如現在西洋諸國。惟佛蘭西為大。味喇堅次之。均與暎夷不睦。佛夷並屢進助順之說。而臣等未敢輕聽者。誠以其地隔重洋。非中國控制所能及。若資其兵力。以剿暎夷。勝負未可預必。而兵費即應籌及。不勝則暎夷因此結怨。而邊釁益開。即使能勝。而彼自恃有功。必不免無厭之求。更難駕馭。殊非計之得者。近日澳門新聞紙。以暎夷於上年十二月。及本年正月間。與印度所屬之嚙哥國。兩次構兵。始則暎夷大挫。繼則嚙哥遭屠戮。事之果否。無庸深考。但當示以恩信。妥為羈縻。一面慎固海防。簡練軍實。尤必撫柔我民。所欲

與聚所惡勿施以固人心而維邦本庶在我有隱然之威而在彼亦可稍折其翼然之氣也

硃批履奏逐條明晰隨時相機妥辦可也

丁卯

協辦大學士兩廣總督者

奏四月十四日承准

軍機大臣字寄三月三十日奉

上諭耆英等奏前詣虎門面議條約並鈔錄呈閱均著依議行欽此當即行知映蓀去後旋據該蓀來文意尚猶豫臣等以夷情叵測深恐或有變更自應委員面加曉諭相機羈縻以期舟山早日交還不致別生枝節當經派委候補道趙長齡帶同候補通判甯立悌南海縣縣丞施禹泉攜帶原

議約冊。前詣香港接見該酋。詳加開導。宣布

皇上恩德。並諭以兩國既和好以後。必須各守信義。恪遵條約。勿得輒生事端。至遇有貿易交涉事件。亦須彼此公平商議。切勿各逞臆見。有乖和好。該酋一一聽受。甚屬馴擾。詢以條約既奉。

旨允准。舟山自當即速退還。該酋答稱。即日備文。派火輪船前往。知會駐舟山夷目。令將所帶夷兵。即行撤退。就近通知委員前往接收。該處駐紮夷兵。共一千六百餘名。定於三日內。派船四隻。前赴該處。裝載夷兵。駛往印度。不復折回中國等語。該道復諭舟山退交之後。英國兵船勿再前往停



泊該夷亦俯首聽從。情詞謙順。並備有覆文。交該道帶回。查覈詞意。與該酋所稱大畧相同。查該酋以火輪船由海道前往舟山。計程不過七日內外。而臣等由陸路行文。動須二十餘日。遲速懸殊。前於議定條約。即札行委員常鎮道咸齡等。一經接到舟山夷目。退交來文。刻即馳往收復。以期迅速。

諭軍機大臣等。耆英等奏。映夷遵約。即行退還舟山一摺。據奏。委員前赴香港。詳加開導。該酋聽受。甚屬馴擾。即日備文。知會駐舟山夷目。即行撤退夷兵。並定於三日內。派船四隻。赴該處裝載夷兵。駛往印度等語。此時該夷情詞謙順。自不至別生枝節。

惟所稱駛往印度之處該督等前奏有印度所屬之塞哥國與  
暎夷兩次構兵等語仍著密加偵探現在實在情形遇便詳細  
具奏

欽差戶部尚書賽尚阿刑部左侍郎周祖培奏竊臣等續查得南  
岸之北固山礮隄長七十八丈四尺排築礮墩二十八座  
安設四千斤至一千斤礮二十五門象山礮隄長一百七  
十八丈排築礮墩六十三座安設四千斤至一千斤礮六  
十門圖山關大礮頭礮隄長三十八丈排築礮墩十三座  
安設三千斤礮十一門二礮頭礮隄長一百四十二丈七  
尺排築礮墩四十四座安設三千斤至一千斤礮四十二

門。對岸之東生洲礮隄長一百五十丈。排築礮墩五十二座。安設三千斤至九百斤礮五十門。鵝鼻嘴小石灣礮隄長四十四丈。排築礮墩十九座。安設八千斤至三千斤礮十八門。大石灣礮隄長九十三丈。排築礮墩三十四座。安設一萬斤至一千斤礮三十二門。對岸之劉關沙礮隄長一百丈。排築礮墩三十六座。安設三千斤至一千斤礮三十五門。五龍山礮隄長三十六丈五尺。排築礮墩十六座。安設四千斤至三千斤礮十五門。對岸之沙洲圩礮隄長九十丈。排築礮墩三十一座。安設四千斤至一千斤礮三十門。其設礮處所。官廳兵房。及護守礮隄並後路接應之。

擡礮鳥槍長子藤牌等兵。操演各情形。均與順江洲等處大畧相同。惟五龍山礮墩。外用甌堦包裹。與他不同。甌性脆硬。一經礮擊。最易摧裂。不如仍用土築為是。臣等與該督面商。意見相同。當飭該委員等拆去甌堦。仍將土加築。務期堅實。所有臣等酌擬前面添土櫓。後面添土墩。並擬於兩墩之間。上鋪橫木。堆以土袋。既可以護蔽我兵。又可以外防夷礮。該委員等已於南岸添設一處。以為式樣。細加查看。尚屬合用。其礮架機括。已做成式樣。面交該委員徐州道查文經。令其逐墩逐架。照成式修改妥協。均由該督奏報完竣。以期覈實。至施放礮位。特令江心設立船靶。

於各礮位內抽試一二出。臣等於江干留心察看。亦有能中靶者。鐵彈所落之處。江面突起煙光。其一萬斤至三四千斤者。致遠約六七里。二十斤以上者。俱過中流。約在四五里。一千斤以上者。可及三四里。亦俱足及江心。所有兩岸礮堤。均係扼要處所。在江面較濶者。兩隄屹然對峙。可以夾擊。其稍狹之處。亦犬牙錯置。若兩面連環迎擊。再加以後路弁兵。於要隘攔其登岸。截其繞越。賊船似難闖入。惟長江東西。由江甯至鵝鼻嘴。橫豎六百餘里。後路接應之兵。僅一千八百餘名。除東生洲橫豎江心。毋須接應外。共計礮隄十三處。零星分布。本覺單弱。總在平時訓練。嚴定

考數。若果將領知方。兵心固結。萬一有警。臨時再添調外。兵於緊要處所。分派接應。庶足以資抵禦矣。臣等查兩江督臣奏定章程。按原派放礮及護礮兵數。分為五班。責令每班承管礮位十印。以五十日為一輪。似此勞逸既均。可免曠誤之弊。應照所議辦理。惟兵丁徒往看守。若不勤加演練。則兵與礮久不相習。仍屬有名無實。臣等擬請每季演放一次。每次各礮均放兩出。應請

旨飭令兩江總督。於每年春季親身閱視一次。其夏秋冬三季。即責令該管將弁分別就近採演。每遇閱視時。嚴加考察。如果演練精熟。即分別獎拔。若查有怠玩曠誤等弊。除將該

弁兵斥革。該管將弁。即照廢弛營伍例。分別叅處。若能經久不懈。庶兵威日振。眾志成城。一兵足資一兵之用矣。

諭軍機大臣等。據賽尚阿等奏。查勘江防各工完竣情形。並籌議看守礮隄。訓練考覈章程一摺。此次查勘江防善後事宜。已據該尚書等。將南岸之北固山等處礮隄等工。查閱均尚妥協。惟五龍山礮墩。宜用土築。現已拆去甓塊。所擬前面添設土檔。後面添築土墩。並於兩墩之間。上鋪橫木。堆以土袋。既可以護蔽我兵。又可以外防夷礮。至施放礮位。設立船靶。並原派放礮及護礮兵數。分為五班。承管礮位。各項事宜。均著照所議辦理。惟江路六百餘里。後路接應之兵。分布要隘。斷難處處添兵。致形

繁重。惟在該將領等。平時勤加訓練。臨時酌量添調。以資抵禦。再兵礮總期相習。其每季演放一次。不必拘定每年春季。兩江總督親往。著該督與提督及各總兵等。輪流前往閱視。覈實獎勵。所有一切事宜。總責成壁昌認真督率。時加演習。務使兵威日振。眾志成城。一兵足資一兵之用。是為至要。

閏五月己亥。浙江巡撫梁寶常奏。據江蘇常鎮道咸齡甯紹台道麟桂六品頂戴鹿澤長候補知府陳之驥署甯波府知府楊鉅源會稟。本年四月十二日。接奉

欽差大臣耆英札飭。以前在虎門與德酋續議五條業經恭摺馳奏。現接德酋照會。俟奉到



硃批即飭駐定喚官將舟山繳還。札飭遵照等因。旋據駐定喚官懇秘力照會以

欽差大臣與德酋所議五條已奏奉

大皇帝批准。令伊先繳還舟山。其夷兵候撥到火輪船。另有札諭撤退等情。該道等亦奉到

欽差大臣耆英札飭。以該酋已訂期繳還定海城池。其駐定喚兵一千五百餘名。俟派齊火輪船四隻分起撤退等語。該道等當於五月十二日。帶同署定海同知王丕顯。前任石浦同知舒恭受等東渡。行抵定城。士民耆老人等夾道歡迎。以重觀中國威儀。共深慶幸。該道等宣布

皇仁飭令聽候安撫。靡不鼓舞感頌。該道等進城後。與懇秘力接  
晤。該夷執禮甚恭。即與該道等於十七日。先將城門交還。  
中國看守。並以該國駐定兵丁。共計一千五百餘名。分屯  
城內城外。現在定港拋泊船隻。均係貨船。不能裝載。應候  
粵省另派兵船到日。再行分起撤退等語。該道等查係實  
在情形。自應允其所請。先令繳城。再令退兵。惟查城內所  
駐黑夷。共計二百數十名。城門一經交還。城內地方。即須  
由中國巡查守衛。而華夷錯處。查察較難。隨復向懇秘力  
要約。先撤城內之兵。餘再陸續分撤。以期彼此相安。該夷  
亦即應允。現有已到火輪船一隻。先將城內之兵撤退。其

城外衙頭所駐之兵候續到兵船分起再退一面移會署  
定海鎮標中營遊擊葉炳忠帶領弁兵馳至定城於十七  
日會同署定海同知王丕顯將城門收回派撥兵弁分門  
巡守該夷復以數年來夷人埋葬之墳墓求為查勘立界  
禁民刳掘其與夷人往來及在夷館處服役之人亦求示  
禁民人不得藉端詐擾現到火輪兵船一隻城內夷兵業  
已各整歸裝不日即可退去其城外各兵候船到亦必續  
退不致久留並聞德首有即日來浙之信該道等候其到  
後即當妥加撫馭催令速將各兵儘數撤退收回全境另  
行稟報等情臣查該酋派船四隻撥兵現到一隻其三隻

是否他處調撥。抑另有別故。耽延當飭該道等候德酋到定。向其詢明。示以靜鎮。聽其陸續撤回。一面諄諭該道等。悉心籌畫。妥為撫馭。俟夷兵撤盡。全境收回。趕緊安撫。居民清釐田產。嚴拏兇盜奸匪。整葺城垣營寨。分別認真經理。覈實查辦。

硃批一切細心料理。不可稍忽。

梁寶常又奏。臣接據甯紹台道麟桂稟稱。據佛喃哂國傳教人顧蟬德來署謁見。據稱該國仰蒙

天恩。准在五口傳習天主教。上年九月間。蒙前道等代為租賃甯郡三法鄉地方。兵傳鉅房屋一所。俾得設堂禮拜。感激難

名。惟伊來甬傳教。隨從較多。所租吳傳鉅房屋。不敷棲止。上年伊將帶來各人。一半搬進租屋。一半留在定海寄住。今喚咭喇將舟山繳納。伊國寄住之人。亦應遷讓搬住郡城。但租屋窄小難容。必須添租。方敷居住。查得吳傳鉅房後。有周姓韓姓房屋兩所。一共十餘間。彼此毗連。可併為一宅。懇乞代租等語。該道查係實情。當飭署甯波府楊鉅源。已革石浦同知舒恭壽等。查照該夷願租之屋。係鄞縣民周承添韓永豐之業。現因需錢應用。正欲售賣。不願出租。該道因奏定該夷貿易章程。止准租賃民房。不准價買。惟有由道捐廉。將是屋買就。再行租給佛夷。庶與定章相符。

而民情夷情亦較妥協。復飭該府等向周承添韓永豐議定屋價錢一千一百十文。立契交割。由該道衙門管業。租給佛夷居住。議定每年租價錢三十十文。由顧鐸德按年呈繳。寫立合約存卷作據。每年地糧亦由該道衙門捐廉完納。其該夷所繳租錢三十十文。因上年所租吳傳鉅房屋其價稍輕。原議由道捐加。今周承添等之屋係由道捐買租給。毋庸再付租價。應將每年所繳租錢三十十文。即加給吳傳鉅承領。俾資補苴。民夷均極歡忭等情。復查上年九月間。佛夷顧鐸德求在甯郡租屋習教。當經委辦夷務之六品頂戴鹿澤長等為之租住吳傳鉅房屋。經臣附

## 片奏

聞在案。一載以來。極為安靜。茲願嘽噫。因災夷將舟山交還。該國之人。不敢在定。逗留情願。一併還讓。搬入郡城。惟前租房屋。不敷居住。懇求代為添租。察覈情形。頗為恭順。除飭該道率同府縣。妥為撫馭。並不動聲色。隨時嚴密稽查。勿任奸徒。涸跡滋事外。理合附片陳奏。

硃批知道了。

乙巳大學士四川總督寶興奏。承准軍機大臣字寄。四月初四日奉。

上諭。琦善等奏。盤獲佛喃西夷人。並起出夷書夷文。錄供呈覽。一

擲著寶興於解到川省時。將其來歷。及經過處所。詳細嚴鞫。務得確情。即行具奏等因。欽此。茲於五月二十一日。由藏將該夷人等解到。臣隨督同在省司道。向其訊問。該夷人等皆能漢話。據供一名噶畢約則。一名額窪哩斯塔。均係佛蘭西人。同習天主教。認為弟兄。均在外傳教。道光二十一年。在關東小北口地方會遇。餘供均與駐藏大臣所訊無異。噶畢約則係於道光十六年。到廣東。嗣由福建。江西。湖北。河南。山東。直隸。到京。又由京至熱河。關東。蒙古。察哈爾。歸化城。鄂爾多斯。蘭州。丹噶爾地方。隨同唐古特番商到藏。所到之處。或住數日。數月。及年餘不等。漢文漢話。係在京學習。



滿洲及蒙古字語皆在關東學會並無一定師傅額窪哩  
斯塔係於道光二十一年附該國兵船到粵隨亦由廣東  
江西等省至京出歸化城一帶傳教嗣與噶畢約則會遇  
叩同住同行其漢話係在北口外學會至番民薩木丹盡  
巴係甘肅碾伯縣人因早年隨喇嘛赴蒙古地方流落經  
該夷人等雇令服役臣以該夷人等遠出傳教意究何居  
且多年在外日用更從何出何以久不回國究竟有無一  
定年限其所傳之徒已有若干西藏係喇嘛所居該夷人  
等一同赴彼又欲何為復又詳細研詰據稱伊國習教之  
人以傳教為修善所傳益廣功德益深並不向習教人索

取銀錢如情願出外傳教。呈明國王發給戒表。持赴廣東。交與在粵駐紮總管。前往各處傳教。並無一定年限。僅在途缺時。寄信與廣東總管。即送銀接濟。伊國出外傳教之人。各省皆有。無非勸人為善。別無他意。盡人可傳。既傳之後。亦不復指念。伊等會遇同教。及所傳人數姓名。均不能記憶。至西藏地方。向有伊國之人居住。伊等到彼。本欲俟傳教後。即從廓爾喀回國。因唐古特字語。未能通曉。尚未傳人。即被駐藏大臣查獲。解川等語。拆閱木匣。所貯夷書。夷信等件。無人認識。詰之該夷人。皆供係伊等家書。及傳教憑據。伏查該夷人等所供各情。是否屬實。無可質證。傳

授天主教。現亦例所不禁。且察驗該夷人等。鬚眉眼色。迥與中國人不同。其為外國夷人。並非內地奸徒假冒。亦確無疑。似無須再事推求。惟夷字夷書內。究竟係何言語。自應同該夷人等。一併解交廣東省。查傳通曉夷字之人。譯明。如果並無別情。即交佛蘭西夷人。認領回國。以昭嚴實。至薩木丹。盡已訊止。受雇服役於該夷人等。底細不能知曉。應即解回原籍甘肅碾伯縣。交保管束。

諭軍機大臣等。前據琦善等。盤獲佛蘭西夷人。至藏傳教。將該夷人於訊供後。委員解赴四川。當降旨。令寶興於該夷解到時。將其來歷。及經過處所。詳訊確情。具奏。茲據奏稱。嚴訊該夷人等。

所供與駐藏大臣所訊大畧相同。察其鬚眉眼色確係夷人。並非內地奸徒假冒等語。該夷違涉重洋。經歷數省。學習各處文字語言。意究何居。所供僅止勸人為善。別無他意。所傳人數姓名不能記憶。恐難憑信。至該國王發給戒表。持赴廣東。交與駐紮總管。前往各處傳教。是否實有其事。著耆英黃恩彤於解到時。將該夷等詳細嚴鞫。並暗加體訪。該夷人是否實係該國所遣。及有無送銀接濟之事。並將匣內所貯夷信夷書等件。交通曉夷字之人。逐件譯明。庶可得其底細。如果確係佛蘭西夷人。僅為傳教。並無別項情節。即著斟酌情形。妥為辦理。原摺及供單均著鈔給閱看。

丙午

協辦大學士兩廣總督著  
廣東巡撫黃恩

奏接據德哂時來文

內據駐舟山夷目函稱業於五月十二日將舟山交與委員接收所有該國裝載夷兵船隻俱已齊備約半月內即可全行退去並稱伊於本月初十日後親往舟山按照和約將該處所有兵房棧房全行交給委員接收並不請追修造價值等語查浙省距粵遼遠郵遞稽遲雖尚未接准委員咸齡等文報惟據該酋來文稱於五月十二日業已交還舟山自屬可信至該處為夷兵所據已數年有餘所有兵房棧房或係該夷所建或經該夷修整臣等初慮屆期收復該夷等必以拆卸料物索還工價為由多費周折

是以先於續定善後條款內。豫行要約堅明。不准。時藉口。延宕。茲據稱。全行交給委員接收。並不請追價值。均屬恪守成約。尚為馴擾。

硃批知道了。

[illegible]